

Bibel fa Kjinja
brinjt junt



De Mejal
dee tweemol
läwd



Jeschräwen von: Edward Hughes

Jemolt von: Janie Forest

Toom Pauss jestalt von: Ruth Klassen
Alastair Paterson

Äwasat von: Ed Zacharias

Hääjestalt von: Bible for Children
www.M1914.org

©2020 Bible for Children, Inc.


Jesazlich: Du doascht dise Jeschicht oppnämen
ooda drekjen, soo lang aus du dee nich vekjafst.



Jairus wie een Liera en
eene Judenschool
un lied de Lied
waut Gott sien
Wuat meend.




Een Dach wort hee sea
beduat: siene eensje
Dochta, twalw
Joa oolt, wia
krank.



Kjeena wist waut see fa
ar doonen sullen; see
wort sea krank.
Daut leet aus
wan see nich
wudd bāta
woaren.



Doa wia noch een Maun däm see
nich jefroacht hauden. Nu
jinkj Jairus Jesus holen.



Eenje Tempel Mana wudden daut
nich gleichen, oba hee jinkj doch.
Hee wull schwind Help haben,



ea de
Dochta
storf.





Jairus
funk
Jesus
met väl
Menschen
rom am.





Jairus
kjneed
ver Jesus, un
prachad, ...





... "Miene
kqliene
Dochta
es aum
stoawen; ...





... komm
doch un laj
ar diene
Henj
opp daut
see kaun
jesunt
woaren
un läwen."





Jesus jinkj met am,
oba doa wieren soo
väl Menschen daut
daut langsam jinkj.
Eene Fru dee aul 12
Joa krank jewast
wia, un aul äa Jelt
vedoktat haud, wull
sea jieren Jesus
seenen.





Waut kunn see doonen?
See docht daut wudd ar
halpen, wan see blooss
Jesus siene Kjeleeda
kunn aunschieren.





See kjeem sacht noda
no Jesus, un schliesslich
kunn see no Jesus siene
Kjeleeda rieekjen.



Dit wie een Wunda! De Fru wie
jeheelt. Fuaz, gauns bätä!
Un see wist daut uk.
Dan fruach Jesus,
"Wää haft mie
aunjeschieet?"



Väle hauden am aunjeschieet, oba
de Fru wist daut Jesus no
ar fruach, un waut ar
jeworden wia. See
wia schuchta, oba
see vetald am aules.



Doaräwa kjeemen Mana von daut
Hus von däm Leida von de
Judenschool. See
wieren truarich
un säden, "Diene
Dochta es
jestorwen."
Werkjlich? Wia
daut nu too
lot?



Veleicht wan doa
nich soo vâl wia
mank jekomen,
soo aus daut
met de kranke
Fru. Dit kunn
Jairus meist
nich jleewen.



Aus Jesus daut hieed,
säd hee, "Fercht die
nich lenja. Jleew
blooss, see
woat bätä
sennen."



Nu wist hee meist nich waut hee
jleewen sull. Wia see jestorwen?
Wudd Jesus
halpen?




En daut Hus hielden un truaden see
aula fa de Mejal. Jesus säd, "Daut
Kjint es nich jestorwen.
See schlapt."



De Lied lachten äwa am. See
hauden ar jeseenen.



Jesus schekjt aulem rut, neem
de Mejal äare Haunt,
un säd, "Kjliene
Mejal, sto
opp."



Jairus wia doa, un siene Fru. Dree
von Jesus siene Jinja wieren uk doa.

See hieeden aula
waut Jesus säd.
Wudd de kjliene
Mejal daut uk
hieren?



De Mejal hieed Jesus to
ar räden.

See
bewääjd
sikj, un
stunt
fuaz
opp.



Jesus haud ar vom Doot oppjewakjt.



De Mejal äare Elren wundaden
sikj. Jesus säd see sullen ar
waut to äten
jäwen.



See freiden sikj sea, un wieren sea
dankboa fa waut Jesus jedonen
haud. Hee wia an goot,
un hee kunn
de Mejal
vom Doot
oppwakjen.



De Mejal dee tweemol läwd

Eene Jeschicht von en daut Wuat
Gottes, de Bibel

finjt eena en

Markus 5, Lukas 8

"Wan dien Wuat openboat woat,
jefst daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.



Wan du dit jleewen kaust, dan saj to Gott:
Leewa Jesus, ekj jleew daut du Gott best, un
worscht een Mensch toom fa onse Sind to
stoawen, un daut du nu wada läfst. Komm en
mien Läwen un vejeff mie miene Sinden, soo
daut ekj nu nieet Läwen haben kaun, un noch
emol opp emma no die kom. Halp mie daut ekj
die jehuarsom sie, un fa die läw aus dien Kjint.
Amen.

Lass de Bibel un räd jieda Dach met Gott!
Joh. 3:16

